

四庫全書

史部

欽定四庫全書

史部

史記正義提要至卷一

詳校官編修臣李如筠

欽定四庫全書

史記正義一百三十卷

提要

臣等謹案史記正義一百三十卷唐張守節撰守節始末未詳據此書所題則其官為諸王侍讀率府長史也是書據自序三十卷晁公武陳振孫二家所錄則作二十卷蓋其標字列註亦如索隱後人散入句下已非其舊

至明代監本採附集解索隱之後更多所刪
節失其本旨如守節所長在于地理故自序
曰郡國城邑委曲詳明而監本于周本紀子
帶立為王句下脫左傳云周與鄭人蘇忿生
十二邑溫其一也十七字秦本紀反秦于淮
南句下脫楚淮北之地盡入于秦九字項羽
本紀項王自立為西楚霸王句下脫孟康云
舊名江陵為南楚吳為東楚彭城為西楚十

九字呂后本紀呂平為扶柳侯句下脫漢扶
柳縣也有澤七字孝景本紀遂西圍梁句下
脫梁孝王都睢陽今宋州九字立楚元王子
平陸侯句下脫應劭云平陸西河縣八字孝
武本紀見五時句下脫或曰在雍州雍縣南
孟康云時者神靈上帝也八字晉世家是
為晉侯句下脫其城南半入州城中削為坊
城牆北半見在十七字趙世家吾國東有河

薄洛之水句下脫案安平縣屬定州也八字
餓死沙邱宮句下脫括地志云趙武靈王墓
在蔚州靈邱縣東三十里應說是也二十三
字韓世家得封于韓原句下脫古今地名云
韓武子食采于韓原故城也十六字淮陰侯
列傳家在伊廬句下脫韋昭及括地志皆說
之也十字貨殖列傳殷人都河西句下脫盤
庚都殷墟地屬河西也十字周人都河南句

下脫周自平王以後都洛陽九字自序危困
鄙句下脫漢末陳蕃子逸為魯相改音反田
褒魯記曰靈帝末汝南陳子游為魯相陳蕃
子也國人為諱而改焉三十九字又如秦本
紀樗里疾相韓句下此本作福昌縣東十四
里監本脫十四里三字貨殖傳夫燕亦勃碣
之間句下此本作碣石渤海在西北監本脫
北字又守節徵引故實頗為賅博故自序曰

古典幽微竊探其美而監本夏本紀臯陶作
士句下脫士若大理卿也六字于是夔行樂
句下脫若今太常卿也六字周本紀作鬯命
句下脫應劭云太僕周穆王所置蓋大御衆
僕之長中大夫也二十一字以應為太后養
地句下脫太后秦昭之母宣太后羊氏十一
字秦始皇本紀為我遺鎬池君句下脫張晏
云武王居鎬鎬池君則武王也伐商故神云

始皇荒淫若紂矣今武王可伐矣三十二字
叙論孝明皇帝句下脫班固典引云後漢明
帝永平十七年詔問班固太史遷贊語中寧
有非耶班固上表陳秦過失及賈誼言秦之
四十二字項羽本紀會稽守句下脫守音狩
景帝中二年七月更郡守為太守十六字孝
景本紀伐道樹殖蘭池句下脫案馳道天
子道秦始皇作之丈而樹十四字孝武本紀

是時上求神君句下脫漢武帝故事云起柏
梁臺以處神君長陵女子也先是嫁為人妻
生一男數歲死女子悼痛之歲中亦死而靈
宛若祠之遂聞言宛若為生民人多往請福
說家人小事有驗平原君亦事之至後子孫
尊貴及上即位太后延于宮中祭之聞其言
不見其人至是神君求出為營柏梁臺舍之
初霍去病微時自禱神君及見其形自修飾

欲與去病交接去病不肯謂神君曰吾以神君精潔故齋戒祈福今欲淫此非也自絕不復往神君慚之乃去也一百七十字見安期生句下脫列仙傳云安期生瑯琊阜鄉亭人也賣藥海邊秦始皇請語三夜賜金數千萬出于阜鄉亭皆置去留書以赤玉馬一重為報曰後千歲求我于蓬萊山下五十九字李少君病死句下脫漢書起居注云李少君將

去武帝夢與共登嵩高山半道有使乘龍時
從雲中云太一請少君帝謂左右將舍我去
矣數月而少君病死又發棺看唯衣冠在也
六十一字史寬舒受其方句下脫姓史名寬
舒五字禮書疏房牀第句下脫疎謂窓也四
字律書其于十二支為丑句下脫徐廣曰此
中闕不說大吕及丑也案此下闕文或一本
云丑者紐也言陽氣在上未降萬物厄紐未

敢出也四十一字天官書氐為天根句下脫
星經云氐四星為露寢聽朝所居其占明大
則臣下奉度合誠圖云氐為宿宮也三十一
字其內五星五帝坐句下脫羣下從謀也五
字楚世家伐申過鄧句下脫服虔云鄧曼姓
也七字趙世家事有所止句下脫為人君止
于仁為人臣止于敬為人子止于孝為人父
止于慈與國入交止于信三十一字封廡頗

為信平君句下脫言篤信而平和也七字韓
世家公何不為韓求質于楚句下脫質子蠆
虱四字又脫公叔嬰知秦楚不以蠆虱為事
必以韓合于秦楚王聽入質子于韓二十六
字又脫次下云知秦楚不以蠆虱為事重明
脫不字十七字田叔列傳相常從入苑中句
下脫堵牆也三字田蚡列傳其春武安侯病
句下脫然夫子作春秋依夏正九字衛將軍

列傳平陽人也句下脫漢書云其父鄭季河
東平陽人以縣吏給事平陽侯之家也二十
三字至守節于六書五音至為詳審故書首
有論字例論音例二條而監本于周本紀懼
太子釗之不任句下脫釗音招又古堯反任
而針反十一字秦始皇本紀彗星復見句下
脫復扶富反見行見反八字以發縣卒句下
脫子忽反下同五字佐弋竭句下脫弋音翊

三字二十人皆臬首句下脫臬古堯反懸首
于木上曰臬十一字體解軻以徇句下脫紅
賣反三字東收遼東而王之句下脫王于放
反四字故歸其質子句下脫質音致三字衣
服旌旄節旗句下脫旌音精旄音毛旗音其
九字祇誦功德句下脫祇音脂三字赭其山
句下脫赭音者三字僕射周青臣句下脫音
夜二字上樂以刑殺為威句下脫五孝反三

字二世紀以安邊境句下脫音竟二字敘論
為君討賊句下脫于偽反三字項羽本紀將
秦軍為前行句下脫胡郎反三字高祖本紀
時時冠之正義音館句下脫下同二字孝景
紀天下又安句下脫又音魚廢反五字龍顏
拔墮句下脫徒果反三字攀龍胡顏號句下
脫户高反下同五字為且用事泰山句下脫
為于偽反將為封禪也九字鄭世家段出奔

馮句下脫音偃二字田叔列傳喜游諸公句
下脫喜許記反諸公謂丈人行也十一字其
他一兩字之出入殆千有餘條尤不可毛舉
苟非震澤王氏刊本具存無由知監本之妄
刪也

欽定四庫全書

史記正義目錄

帝紀

卷一

史記一

五帝

卷二

史記二

夏

卷三

史記三

殷

卷四

史記四

周

卷五

史記五

秦昭襄王

莊襄王

卷六

史記六

秦始皇帝

二世皇帝

卷七

史記七

項羽

卷八

史記八

漢高祖

卷九

史記九

呂太后

卷十

史記十

孝文帝

卷十一

史記十一

孝景帝

卷十二

史記十二

孝武帝

年表

卷一

史記十三

三代世表

卷二

史記十四

十二諸侯年表

卷三

史記十五

六國年表

卷四

史記十六

秦楚之際月表

卷五

史記十七

漢興以來諸侯年表

卷六

史記十八

高祖功臣侯年表

卷七

史記十九

惠景閒侯者年表

卷八

史記二十

建元以來侯者年表

卷九

史記二十一

建元以來王子侯者年表

卷十

史記二十二

漢興以來將相名臣年表

八書

卷一

史記二十三

禮書

卷二

史記二十四

樂書

卷三

史記二十五

律書

卷四

史記二十六

歷書

卷五

史記二十七

天官書

卷六

史記二十八

封禪書

卷七

史記二十九

河渠書

卷八

史記三十

平準書

世家

卷一

史記三十一

吳太伯

卷二

史記三十二

齊太公

卷三

史記三十三

魯周公

卷四

史記三十四

燕召公

卷五

史記三十五

管蔡

卷六

史記三十六

陳杞

卷七

史記三十七

衛康叔

卷八

史記三十八

宋微子

卷九

史記三十九

晉

卷十

史記四十

楚

卷十一

史記四十一

越王句踐

卷十二

史記四十二

鄭

卷十三

史記四十三

趙

卷十四

史記四十四

魏

卷十五

史記四十五

韓

卷十六

史記四十六

田敬仲完

卷十七

史記四十七

孔子

卷十八

史記四十八

陳涉

卷十九

史記四十九

外戚

卷二十

史記五十

楚元王

卷二十一

史記五十一

荆燕

卷二十二

史記五十二

齊悼惠王

卷二十三

史記五十三

蕭相國

卷二十四

史記五十四

曹相國

卷二十五

史記五十五

留侯

卷二十六

史記五十六

陳丞相

卷二十七

史記五十七

絳侯

卷二十八

史記五十八

梁孝王

卷二十九

史記五十九

五宗

卷三十

史記六十

三王

列傳

卷一

史記六十一

老子

莊子

伯夷

卷二

史記六十二

管晏

卷三

史記六十三

申不害

韓非

卷四

史記六十四

司馬穰苴

卷五

史記六十五

孫武

吳起

卷六

史記六十六

伍子胥

卷七

史記六十七

仲尼弟子

卷八

史記六十八

商君鞅

卷九

史記六十九

蘇秦

卷十

史記七十

張儀

陳軫

犀首

卷十一

史記七十一

樗里子

甘茂

甘羅

卷十二

史記七十二

穰侯

卷十三

史記七十三

白起

王翦

卷十四

史記七十四

孟軻

淳于髡

慎到

騶奭

荀卿

卷十五

史記七十五

孟嘗君

卷十六

史記七十六

平原君

虞卿

卷十七

史記七十七

信陵君

卷十八

史記七十八

春申君

卷十九

史記七十九

范雎

蔡澤

卷二十

史記八十

樂毅

卷二十一

史記八十一

廉頗

藺相如

趙奢

李牧

卷二十二

史記八十二

田單

卷二十三

史記八十三

魯仲連

鄒陽

卷二十四

史記八十四

屈原

賈誼

卷二十五

史記八十五

呂不韋

卷二十六

刺客

史記八十六

曹沫

專諸

豫讓

聶政

荊軻

卷二十七

史記八十七

李斯

卷二十八

史記八十八

蒙恬

卷二十九

史記八十九

張耳

陳餘

卷三十

史記九十

魏豹

彭越

卷三十一

史記九十一

黥布

卷三十二

史記九十二

淮陰侯

卷三十三

史記九十三

韓王信

盧綰

卷三十四

史記九十四

田儋

田橫

卷三十五

史記九十五

樊噲

酈商

夏侯嬰

灌嬰

卷三十六

史記九十六

張蒼

周昌

任敖

申屠嘉

韋賢

魏相

邴吉

黃霸

韋玄成

匡衡

卷三十七

史記九十七

酈食其

陸賈

朱建

卷三十八

史記九十八

傅寬

靳歙

周緤

卷三十九

史記九十九

劉敬

叔孫通

卷四十

史記一百

季布

藥布

卷四十一

史記一百一

袁盎

鼂錯

卷四十二

史記一百二

張釋之

馮唐

卷四十三

史記一百三

石奮

衛綰

直不疑

周文

張叔

卷四十四

史記一百四

田叔

子仁

任安

卷四十五

史記一百五

倉公

卷四十六

史記一百六

吳王濞

卷四十七

史記一百七

竇嬰

田蚡

灌夫

卷四十八

史記一百八

韓安國

卷四十九

史記一百九

李廣

卷五十

史記一百十

匈奴

卷五十一

史記一百十一

衛青

卷五十二

史記一百十二

公孫弘

主父偃

卷五十三

史記一百十三

南越尉佗

卷五十四

史記一百十四

東越

卷五十五

史記一百十五

朝鮮

卷五十六

史記一百十六

西南夷

卷五十七

史記一百十七

司馬相如

卷五十八

史記一百十八

淮南厲王

淮南王安

衡山王

卷五十九

循吏

史記一百十九

金
孫叔敖

子產

公儀休

石奢

李離

卷六十

史記一百二十

汲黯

鄭當時

卷六十一

儒林

史記一百二十一

申生

轅固生

韓生

伏勝

董仲舒

胡毋生

卷六十二

酷吏

史記一百二十二

郅都

甯成

周陽由

趙禹

張湯

義縱

王溫舒

楊僕

減宣

杜周

卷六十三

史記一百二十三

大宛

卷六十四

游俠

史記一百二十四

朱家

劇孟

郭解

卷六十五

佞幸

史記一百二十五

鄧通

韓嫣

李延年

卷六十六

滑稽

史記一百二十六

淳于髡

優孟

優旃

東方朔

東郭先生

王先生

西門豹

卷六十七

日者

史記一百二十七

司馬季主

卷六十八

史記一百二十八

龜策

卷六十九

貨殖

史記一百二十九

范蠡

子貢

白圭

猗頓

卓氏

程鄭

宛孔氏

師史

任氏

卷七十

史記一百三十

太史公自序

帝紀十二卷

年表十卷

八書八卷

世家三十卷

列傳七十卷

[illegible]

史記正義序

史記者漢太史公司馬遷作遷生龍門耕牧河山之陽
南遊江淮講學齊魯之郡紹太史繼春秋括文魯史而
包左氏國語采世本戰國策而摭楚漢春秋貫紬經傳
旁搜史子上起軒轅下暨天漢作十二本紀帝王興廢
悉詳三十世家君國存亡畢著八書贊陰陽禮樂十表
定代系年封七十列傳忠臣孝子之誠備矣筆削冠於
史籍題目足以經邦裴駙服其善序事理辯而不華質

而不俚其文直其事核不虛美不隱惡故謂之實錄自
劉向揚雄皆稱良史之才況墳典湮滅簡冊闕遺比之
春秋言辭古質方之兩漢文省理幽守節涉學三十餘
年六籍九流地里蒼雅銳心觀採評史漢詮衆訓釋而
作正義郡國城邑委曲申明古典幽微竊探其美索理
允愜次舊書之旨兼音解注引致傍通凡成三十卷名
曰史記正義發揮膏肓之辭思濟滄溟之海未敢俾諸
秘府冀訓詁而齊流庶貽厥子孫世疇茲史于時歲次

兩子開元二十四年八月殺青斯竟諸王侍讀宣義郎
守右清道率府長史張守節上

史記正義論例謚法解

論史例

古者帝王右史記言左史記事言為尚書事為春秋太史公兼之故名曰史記并採六家雜說以成一史備論君臣父子夫妻長幼之序天地山川國邑名號殊俗物類之品也太史公作史記起黃帝高陽高辛唐堯虞舜夏殷周秦訖于漢武帝天漢四年合二千四百一十三年作本紀十二象歲十二月也作表十象天之剛柔十日

以記封建世代終始也作書八象一歲八節以記天地
日月山川禮樂也作世家三十象一月三十日三十幅
共一轂以記世祿之家輔弼股肱之臣忠孝得失也作
列傳七十象一行七十二日言七十者舉全數也餘二
日象閏餘也以記王侯將相英賢略立功名於天下可
序列也合百三十篇象一歲十二月及閏餘也而太史
公作此五品廢一不可以統理天地勸獎箴誠為後之
楷模也

論注例

史記文與古文尚書同者則取孔安國注若與伏生尚書同者則用鄭玄王肅馬融所釋與三傳同者取杜元凱服虔何休賈逵范甯等注與三禮論語孝經同者則取鄭玄馬融王肅之注與韓詩同者則取毛傳鄭箋等釋與周易同者則依王氏之注與諸子諸史雜書及先儒解釋善者而裴駰並引為注又徐中散作音訓校集諸本異同或義理可通者稱一本云又一本云自是別

記異文裴氏亦引之為注

論字例

史漢文字相承已久若悅字作說閑字作間智字作知
汝字作女早字作蚤後字作后既字作漑勅字作飭制
字作劓此之般流緣古少字通用之史漢本有此古字
者乃為好本程邈變篆為隸楷則有常後代作文隨時
改易衛宏官書數體呂忱或字多奇鍾王等家以能為
法致令楷文改變非復一端咸著秘書傳之歷代又字

體乖日久其黼黻之字法從黼

丁履反

今之史本則有從

端

音端

秦本紀云天子賜孝公黼黻鄒誕生音甫弗而鄒

氏之前史本已從端矣如此之類並即依行不可更改

若其鼃鼃從龜辭從舌覺學從興泰恭從小匱匠從走

巢藻從果耕籍從禾席下為帶美下為大裒下為衣極

下為點析旁著片惡上安西餐側出頭離邊作禹此之

等類例直是訛字寵

勅勇反

字為錫

音陽

以支

章侈反

代文

問分

反將无混無若茲之流便成兩失

論音例

史文與傳諸書同者劉氏並依舊本為音至如太史公改五帝本紀便章百姓便程東作便程南譌便程西成便在伏物咸依見字讀之太史變尚書文者義理特美或訓意改其古澀何煩如劉氏依尚書舊音斯例蓋多不可具錄著在正義隨文音之君子宜詳其理庶明太史公之達學也然則先儒音字比方為音至魏秘書孫炎始作反音又未甚切今並依孫反音以傳後學鄭康

成云其始書之也倉卒無字或以音類比方假借為之
趣於近之而已受之者非一邦之人其鄉同言異字同
音異於茲遂生輕重訛謬矣然方言差別固自不同河
北江南寧為鉅異或失在浮清或帶於重濁今之取捨
冀除茲弊夫質有精麤謂之好惡並如字心有愛憎稱為

好惡

並去聲

當體則名譽

音預情

乖則曰毀譽

音餘

自壞

乎怪反

壞徹

上音怪

自斷

徒緩反自去離也

刀斷

端管反以刀割令相去也

耶

也奢反未審之

辭也

亦且反助句之語也

復

音伏又扶富反重也

過

古卧反越度也

解

核買反自散也

間

紀

反隙

畜

反許又

畜

反許六

先

反蘇前

仙

反屑然

尤

反羽求

侯

反胡溝

治持

並音直

之

反止而

脂

砥

祇

並音旨

惟

維

遺

唯

並音以

住反

怡貽

頤詒

並音與

夷寅

彛姨

並音以

私

息脂

綏

雖

睢

菱

並音息

遺反

偲司

伺絲

並音巨

庖

枝

祇

肢

並音章

祇

政

並音巨

反

反其

期旗

棊

蹠

並音渠

祈

頡

旂

幾

幾

並音渠

希反

僖

熙

嬉

嘻

並音計

其反

希

晞

稀

並音虛

霏

妃

菲

並音芳

飛

非

扉

並音

匪肥

尸

屍

著

並音式

脂反

詩

書之

巾

居人

斤

筋

舉欣

篇

偏

並音

芳連

穿

詳連

里

李

裏

並音良

止反

至

贄

並音脂

利反

志

之吏

利

泣

並力

至
反 吏 力置反 寺 並辭 嗣 並侯 飼 並侯 字 置反 牻 自疾 自 二 置 致 躡 躡 驚 並 陟

利 去翼反 器 去既反 氣 去更反 翼 几利反 概 既居未反 覆 敷救反 又 敷福

反 副 敷救反 富 並府副反 若 斯 清 濁 實 亦難分 博 學 碩 材 乃

有甄異此例極廣不可具言庶後學士幸留意焉

音字例

文或相似音或有異一字單錄乃恐致疑兩字連文檢尋稍易若音上字言上別之所音下字乃復書下有長句在文中須音則題其字

發字例

古書字少假借盖多字或數音觀義點發皆依平上去入若發平聲每從寅起又一字三四音者同聲異喚一處共發恐難辨別故略舉四十二字如字初音者皆為正字不須點發

畜

許六反養也又許救反六畜也又他六反聚也

從

訟容反隨也又縱容反南北長也又但容反又子勇

反相勸也又從用反侍從也又足用反恣也

數

色具反歷數述數也又色五反次第也又色角反頓也

傳

遂應反書傳也又逐全反相付也又張應反驛也

卒

子律反卒終也又蒼忽反急也尊忽反兵人也

字體各別不辟君也微也又頻亦反罪也開也疋亦反

辨故發之也辟邪也又疋豉反諭也又音避隱也又普

見反辟

施

書移反張也又式豉反延也

間

紀閑反隙也又紀

歷也

射

蛇夜反射也又

夏

胡馬反禹號也又胡嫁反春

也反靜

射

成亦反音石

重

直拱反尊也直龍反適聖石

復

符富反重也又音徐役之也

重

疊也又直用反累也適反寬

也又丁歷

反天也又張

記

音祀水在成卑又音凡邑名

革反責也

又音敵當也

記

在襄城又孚劒反為水在定

陶高帝即位處也

又音

樂

音岳謂音樂也又音洛歡也

夷楚人呼土為汜橋

樂

又孚五教反好也情願也

又

覆

敷富反蓋也又

恐

曲用反疑也又

惡

烏路反憎也又

音烏謂

斷

端管反有物割截也又段緩反解佳買反除

解

結縛也又

核買反散也又佳債反
急墮也又核詐反縫解
幾音機庶幾也又音祈近也又

過音光卧反度也罪過也又
率音戈經過也度前也
率音記亦冀望字也又音紀錄

云率即缺也又音
色類反將帥也又音
屈丘勿反曲也又君勿反姓
上時讓反位

也元在牧之上又
時掌反自下而上
王于方反人主也又于放反霸王
藉

才昔反名籍也又薦藉
也又租夜反即借也
培蒲勃回反補也又
勝音升反又難

乃丹反艱也使所里反又
乃旦反危也使所吏反
相息羊反又
沈針甚反又針

反又沈禁入今反又
反厭沒也任入禁反
棺音官又古玩反又
造曹早反

至妻七低反費非味反用也又音
也切帝反邑也扶朱反姓也
泌

謚法解

惟周公旦太公望開嗣王業建功于牧野終將葬乃制

謚遂叙謚法謚者行之迹號者功之表

古者有大功則賜之善號以為

稱也

車服者位之章也是以大行受大名細行受細名行

出於己名生於人

名謂號謚

民無能名神

不名一善

一德不懈簡

一不委曲

靖民則法皇

靖安

平易不訾簡

不信訾毀

德象天地帝

同於天帝

尊賢貴義恭

尊事賢人
齊貴義士

仁義所往王

民往歸之

敬事供上恭

供奉也

立志及衆公

志無私也

尊賢敬讓恭

敬有德
讓有功

執應八方侯

所執行八
方應之

既過能改恭

言自知

賞慶刑威君

能行四者

執事堅固恭

守正不移

從之成羣君

民從之

愛民長弟恭

順長接弟

揚善賦簡聖

所稱得人所善得實所賦得簡

執禮御賓恭

迎待賓也

敬賓厚禮聖

厚於禮

茫親之闕恭

修德以益之

照臨四方明

以明照之

尊賢讓善恭

不專已善推於人

譖訴不行明

逆知之故不行

威儀悉備欽

威則可畏儀則可象

經緯天地文

成其道

大慮靜民定

思樹惠

道德博聞文

無不知

純行不爽定

行一
不傷

學勤好問文

不恥
下問

安民大慮定

以慮
安民

慈惠愛民文

惠以
成政

安民法古定

不失
舊意

愍民惠禮文

惠而
有禮

辟地有德襄

取人
以義

賜民爵位文

與同
升

甲冑有勞襄

函征伐

綏柔士民德

安民以居安士以事

小心畏忌僖

思所當忌

剛彊直理武

剛無欲強不屈懷忠恕正曲直

質淵受諫釐

深故能愛

諫爭不威德

不以威拒諫

有罰而還釐

知難而退

威彊敵德武

與有德者敵

溫柔賢善懿

性純淑

克定禍亂武

以兵往故能定

心能制義度

制事得宜

刑民克服武

法以王民能使服

聰明叡哲獻

有通知之聰

夸志多窮武

大志行兵多所窮極

知質有聖獻

有所通而無敵

安民立政成

政以安定

五宗安之孝

五世之宗

淵源流通康

性無忌

慈惠愛親孝

周愛族親

溫柔好樂康

好豐年勤民事

秉德不回孝

順於德而不違

安樂撫民康

無四方之虞

協時肇厚孝

協合肇始

合民安樂康

富而教之

執心克莊齊

能自嚴

布德執義穆

故穆

資輔就共齊

資輔佐而共成

中情見貌穆

性公露

甄心動懼頃

甄精

容儀恭美昭

有儀可象行恭可美

敏以敬慎頃

疾於所慎敬

昭德有勞昭

能勞謹

柔德安衆靖

成衆使安

聖聞周達昭

聖聖通合

恭己鮮言靖

恭己正身少言而中

治而無青平

無災罪也

寬樂令終靖

性寬樂義以善自終

執事有制平

不任意

威德剛武圉

禦亂患

布剛治紀平

施之政事

彌年壽考胡

久也

由義而濟景

用義而成

保民耆艾胡

六十曰耆七十曰艾

耆意大慮景

耆強也

布義行剛景

以剛行義

追補前過剛

勤善以補過

清白守節貞

行清白執志固

猛以剛果威

猛則少寬果敢行

大慮克就貞

能大慮非正而何

猛以彊果威

強甚於剛

不隱無屈貞

恒然無私

彊義訖正威

問正言無邪

辟土服遠桓

以武正定

治典不殺祁

秉常不衰

克敬動民桓

敬以使之

大慮行節孝

言成其節

辟土兼國桓

兼人故
啓土

治民克盡使

克盡無
恩惠

能思辯衆元

別之使
各有次

好和不爭安

生而
少斷

行義說民元

民說
其義

道德純一思

道大而
德一

始建國都元

非善之長
可以始之

大省兆民思

大親民
而不殺

主義行德元

以義為主
行德故

外內思索思

言求
善

聖善周聞宣

聞謂所聞
善事也

追悔前過思

思而
能改

兵甲亟作莊

以數征
為嚴

行見中外慤

表裏

叡圉克服莊

通邊圉
使能服

狀古述今譽

立言
之稱

勝敵志強莊

不撓故勝

昭功寧民商

明有功者

死於原野莊

非嚴何以死難

克殺秉政夷

秉政不任賢

屢征殺伐莊

以嚴釐之

安心好靜夷

不爽改

武而不遂莊

武功不成

執義揚善德

稱人之善

柔質慈民惠

知其性

慈仁短折懷

短未六十折未三十

愛民好與惠

興謂施

述義不克丁

不能成義

夙夜警戒敬

敬身急戒

有功安民烈

以武立功

秉德尊業烈

合善典法敬

非敬何以善之

剛克為伐翼

伐功也

剛德克就肅

成其敬使為終

思慮深處翼

小心翼翼

執心決斷肅

言嚴果

外內貞復白

正而復繫始

不生其國聲

生於外家

不勤成名靈

任本性不見賢惠辭

未家短折傷

未家未娶

死而志成靈

志事不
去命

愛民好治戴

好民
治

死見神能靈

有鬼不
為厲

典禮不愆戴

無過

亂而不損靈

不能以
治損亂

短折不成殤

有知而
天殤

好祭鬼怪靈

清鬼神
不致遠

隱拂不成隱

不以隱括
改其性

極知鬼神靈

其智能聰徹

不顯尸國隱

以間主國

見美堅長隱

美過其令

殺戮無辜厲

官人應實知

能官人

愎恨遂過刺

去諫曰愎反是曰恨

肆行勞祀悼

放心勞於淫祀言不修德

不思忘愛刺

忘其愛已者

年中早夭悼

年不稱志

蚤孤短折哀

早未知人事

恐懼從處悼

從處言險圯

恭仁短折哀

體恭質仁功未施

凶年無穀荒

不務耕稼

好變動民躁

徙數移

外內從亂荒

家不治官不治

不悔前過戾

知而不改

好樂怠政荒

淫於聲樂怠於政事

怙威肆行醜

肆意行威

在國遭憂愍

仍多太喪

壅遏不通幽

弱損不凌

在國逢難愍

兵寇之事

蚤孤鋪位幽

鋪位即位而卒

禍亂方作愍

國無政動長亂

動祭亂常幽

易神之班

使民悲傷愍

苛政
賊害

柔質愛諫慧

以虛
受人

貞心大度匡

心正而
用祭少

名實不爽質

不傷言
相應

德正應和莫

正其德
應其信

溫良好樂長

言其人可
好可樂

施勤無私類

無私唯
義所在

慈和徧服順

能使人皆
服其慈和

思慮果遠明

自任多
近於專

博聞多能憲

雖多能不
至於大道

嗇於賜與愛

言貪
怯

滿志多窮惑

自足者
必不惑

危身奉上忠

險不
辭難

思慮不爽厚

不差所
思而得

克威捷行魏

有威而
敏行

好內遠禮煬

朋淫於家
不奉禮

克威惠禮魏

雖威不逆禮

去禮遠衆煬

不率禮不親長

教誨不倦長

以道教之

內外賓服正

言以正服之

肇敏行成直

始疾行成言不深

彰義揜過堅

明義以蓋前過

疏遠繼位紹

非其弟過得之

華言無實夸

誕恢

好廉自克節

自勝其清飲

逆天虐民抗

背尊大而逆之

好更改舊易

變故改常

名與實爽繆

言名美而實傷

愛民在刑克

道之以政齊之以法

擇善而從比

比方善而從之

除殘去虐湯

隱哀也景武也施德為文除惡為武辟地為襄服遠為

桓剛克為僖施而不成為宣惠無內德為平亂而不損為靈由義而濟為景餘皆象也

以其所為謚象其事行

和會也勤

勞也尊修也爽傷也肇始也怙恃也享祀也胡大也秉順也就會也錫與也典常也肆放也康虛也叡聖也惠愛也綏安也堅長也耆彊也考成也周至也懷思也武法也布施也敏疾也速也載事彌文以前周書謚法周代君王並取作謚故全寫一篇以傳後學

漢書地理志云本秦京師為內史

顏師古云京師天子所居畿內也秦并天

下改立郡縣而京畿所統時號內史言其在內以別於諸郡守也百官表云內史周官秦因之掌治京師景帝二年分置左內史右內史武帝太初元年更名京兆尹左內史名馮翊主爵中尉秦官掌列侯景帝六年更名都尉武帝太初元年更名右扶風治內史與左馮翊京兆尹是為三輔也

秦地於天官東井輿鬼之分壄其界自弘農故關以西京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉敦煌又西南有牂牁越巂益州

魏地甯觶參之分壄其界自高陵以東盡河東河內南

有陳留及汝南之召陵潁彊新汲西華長平潁川之舞

陽鄆陵河南之開封中牟陽武酸棗卷

卷去權反

周地柳七星張之分壄今之河南洛陽穀城平陰偃師

鞏緱氏

韓地角亢氐之分壄韓分晉得南陽郡及潁川之父城

定陵襄城潁陽潁陰長社陽翟郟東接汝南西接弘農

得新安宜陽鄭今河南之新鄭及成臯滎陽潁川之崇

高城陽

趙地昴畢之分壄趙分晉得趙國北有信都真定常山
又得涿郡之高陽莫州鄉東有廣平鉅鹿清河河間又
得渤海郡之東平舒中邑文安東州成平章武河以北
也南至浮水繁陽內黃斥丘西有太原定襄雲中五原
上黨

燕地尾箕之分壄召公封於燕後三十六世與六國俱
稱王東有漁陽右北平遼西遼東西有上谷代郡鴈門
南有涿郡之易容城范陽北有新成故安涿縣良鄉新

昌及渤海之安次樂浪玄菟亦宜屬焉

齊地虛危之分陲東有菑川東萊瑯耶高密膠東南有
泰山城陽北有千乘清河以南渤海之高樂高城重合
陽信西有濟南平原

魯地奎婁之分陲東至東海南有泗水至淮得臨淮之
下相睢陵僮取慮

宋地房心之分陲今之沛梁楚山陽濟陰東平及東郡
之須昌壽張今之睢陽

衛地營室東壁之分壄今之東郡及魏郡之黎陽河內之野王朝歌

楚地翼軫之分壄今之南郡江夏零陵桂陽武陵長沙及漢中汝南郡後陳魯屬焉

吳地斗牛之分壄今之會稽九江丹陽豫章廬江廣陵六安臨淮郡

粵地牽牛婺女之分壄今之蒼梧鬱林合浦交趾九真南海日南

以前是戰國時諸國畧域及相侵伐犬牙
深入然亦不能委細畧略記之用知大畧

欽定四庫全書

史記正義卷一

唐張守節撰

五帝本紀第一

鄭元注中候初省圖云德合五帝坐星者稱帝又坤靈圖云德配天地在正不

在私曰帝按太史公依世本大戴禮以黃帝顓頊帝嚳唐堯虞舜為五帝鯀周應劭宋均皆同而孔安國尚書序皇甫謐帝王世紀孫氏注世本並以伏羲神農黃帝為三皇少昊顓頊高辛唐虞為五帝裴松之史目云天子稱本紀諸侯曰世家本者繫其本系故曰本紀者理也統理衆事繫之年月名之曰紀第者次序之目一者舉數之由故曰
史記一
禮云動則左史書之言則右史書之正義云左陽故記動右陰

五帝本紀第一

故記言言為尚書事為春秋按
春秋時置左右史故云史記也

黃帝者

與地志云涿鹿木名彭城黃帝初都遷有熊也
按黃帝有熊國君乃少典國君之次子號曰有

熊氏又曰縞雲氏又曰帝鴻氏亦曰帝軒氏母曰附寶
之祁野見大電繞北斗樞星感而懷孕二十四月而生

黃帝於壽丘壽丘在魯東門之北今在兗州曲阜縣東
北六里生日角龍顏有景雲之瑞以土德王故曰黃帝

封泰山禪亭
亭在牟陰

少典之子姓公孫名曰軒轅生而神靈弱

而能言

言神異也易曰陰陽不測之謂神書
云人惟萬物之靈故謂之神靈也

幼而徇齊

長而敦敏成而聰明

成謂年二十冠成人也聰明聞見明
辯也此以上至軒轅皆大戴禮文

軒轅之時神農氏世衰

帝王世紀云神農氏姜姓也母
曰任姁有蟠氏女登為少典妃

遊華陽有神龍首感生炎帝人身牛首長於姜水有聖德以火德王故號炎帝初都陳又徙魯又曰魑隄氏又曰連山氏又曰列山氏括地志云厲山在隨州隨縣北百里山東有石穴曰神農生於厲鄉所謂列山氏也春秋時為厲國諸侯相侵伐暴虐百姓而神農氏弗能征於是

軒轅乃習用干戈呂征不享諸侯咸來賓從而蚩尤最

為暴莫能伐

龍魚河圖云黃帝攝政有蚩尤兄弟八十一人並獸身人語銅鐵額食沙造五兵仗

刀戟大弩威振天下誅殺無道萬民欽命黃帝行天子事黃帝以仁義不能禁止蚩尤乃仰天而歎天遣玄女下授黃帝兵符伏蚩尤後天下復擾亂黃帝遂畫蚩尤形像以威天下咸謂蚩尤不死八方皆為殄滅山海經云黃帝令應龍攻蚩尤蚩尤請風伯雨師以從大風雨黃帝乃下天女曰魑以止雨雨止遂殺蚩尤孔安國曰

九黎君號
蚩尤是也

炎帝欲侵陵諸侯諸侯咸歸軒轅軒轅乃修

德振兵

振整也

治五氣藝五種

藝音魚曳反種音腫

撫萬民度四方

度音徒
洛反

教熊羆貔貅羆虎

熊音雄羆音丑于反羆如熊黃白

色郭璞云貔執夷虎屬也按言教士
卒習戰以猛獸之名名之用威敵也

以與炎帝戰於阪

泉之野

阪音白板反括地志云阪泉令名黃帝在嬀州懷戎縣東五十六里出五里至涿鹿東北與涿

水合又有涿鹿故城在嬀州東南五十里本黃帝所都也晉太康地志云涿鹿城東一里有阪泉上有黃帝

祠按阪泉之野則平野之地也

三戰然後得其志

謂黃帝克炎帝之後

蚩尤作亂

不用帝命

言蚩尤不用黃帝之命也

於是黃帝乃徵師諸侯與蚩尤

戰於涿鹿之野遂禽殺蚩尤而諸侯咸尊軒轅為天子

代神農氏是為黃帝天下有不順者黃帝從而征之平

者去之

平服者即去也

披山通道未嘗寧居東至于海登九山

九音桓括地志云九山即丹山在青州臨朐縣界朱虛故縣西北二十里丹水出焉九音紂守節案括地志唯

有凡山蓋凡山九山是一山耳諸處字誤或九或凡也漢書郊祀志云禪九山顏師古云在朱虛亦與括地志

相合明九

及岱宗

泰山東岳也在兗州博城縣西北三十里也

西至于空桐

登雞頭

括地志云空桐山在肅州祿福縣東南六十里抱朴子內篇云黃帝西見中黃子受九品之方

過空桐從廣成子受自然之經即此山括地志又云笄頭山一名崆峒山在原州平陽縣西百里禹貢涇水所

出輿地志云或即難頭山也鄢元云蓋大隴山異名也
莊子云廣成子學道崆峒山黃帝問道於廣成子蓋在
此按二處崆峒皆云南至于江登熊湘括地志云熊耳
山在商州洛縣

黃帝登之未詳孰是
西十里齊桓公登之以望江漢也湘山北逐葷粥葷粥音
一名膺山在岳州巴陵縣南十八里也

音合符釜山括地志云釜山在嬌州懷
戎縣北三里山上有舜廟而邑于涿鹿之

阿廣平曰阿涿鹿山名已見上涿鹿故城
在山下即黃帝所都之邑於山下平地遷徙往來無

常處以師兵為營衛環統軍兵為營以自
衛若轅門即其遺象官名皆以雲

命為雲師置左右大監監于萬國監上監去聲下監平
聲若周邵分陝也

萬國和而鬼神山川封禪與為多焉獲寶鼎迎日推策

筭音策迎逆也黃帝受神筭命

大撓造甲子宥成造歷是也

舉風后力牧常先大鴻

舉任用四人皆帝臣也帝王世紀云黃帝夢大風吹天下之塵垢皆去又夢人執千鈞之弩驅羊萬羣帝悟而嘆曰風為號令執政者也垢去土后在也天下豈有姓風名后者哉夫千鈞之弩異力者也驅羊數萬羣能牧民為善者也天下豈有姓力名牧者也於是依二占而求之得風后於海陽登以為相得力牧於大澤進以為將黃帝因著占夢經十一卷藝文志云風后兵法十三篇圖三卷孤虛二十卷力牧兵法十五篇鄭元云風后黃帝之三公也按黃帝仰天地置列侯眾官以風后配上台天老配中台五聖配下台謂之三公也封禪書云鬼史區號大鴻黃帝大臣也死葬雍故鴻以治民順天地之冢是藝文志云鬼容區兵法三篇也

紀言黃帝順天地陰

幽明之占

幽陰明陽也占數也言陰陽五行黃帝占數而

知此文

死生之說

此說謂儀制也民之生死

存亡之難

見大戴禮難音乃憚反存亡猶生死也黃帝之前未有衣裳屋宇及黃帝造屋宇制衣服營殯葬萬民故免存亡之難

時播百穀草木

言順四時之所宜而布種百穀草木也

淳化鳥獸蟲蛾

音蛾

魚起反又音旁音直氏反蟻蚍蜉也爾雅曰有足曰虫無足曰旁

旁羅日月星辰水波

土石金玉

旁羅猶遍布也日月陰陽時節也星二十八宿也辰日月所會也水波瀾漪也言天不異

災土無別害水少波浪山出珍寶

勞勤心力耳目節用水火材物

節時也

水陂障決洩也火山野禁放也材木也物事也言黃帝教民江湖陂澤山林原隰皆收採禁捕以時用之有節

今得其利也大戴禮云宰我問於孔子曰子聞榮伊曰黃帝三百年請問黃帝者人耶何以至三百年孔子曰

勞勤心力耳目節用水火材物生而民得其利百年死而民畏其神百年亡而民用其教百年故曰三百年也

有土德之瑞故號黃帝

螭音以刃反

黃帝二十五子其得姓

者十四人

傳音力其反姑其吉反嫫音在宣反

黃帝居軒轅之丘而娶於

西陵之女

西陵國名也

是為嫫祖

一作嫫

嫫祖為黃帝正妃生

二子其後皆有天下其一曰玄囂是為青陽青陽降居

江水

括地志云安陽故城在豫州新恩縣西南八十里應劭云古江國也地理志亦云安陽古江國也

其二曰昌意降居若水昌意娶蜀山氏女曰昌僕生高

陽高陽有聖德焉

華陽國志及十三州志云蜀之先肇於人皇之際黃帝為子昌意娶蜀山

氏後子孫因封焉帝顓頊高陽氏黃帝之孫昌意之子
母曰昌僕亦謂之女樞河圖云瑤光如蜺貫月王白感
女樞於幽房之宮生顓黃帝崩列仙傳云軒轅自擇亡
項首戴干戈有德文也黃帝崩日與羣臣辭還葬橋山
山崩棺空唯有葬橋山括地志云黃帝陵在寧州羅川
劍冢在棺焉縣東八十里子午山地理志云
上郡陽周縣橋山南有黃帝冢按陽周
隋改為罷川爾雅云山銳而高曰橋也其孫昌意之子
高陽立是為帝顓頊也

帝顓頊高陽者黃帝之孫而昌意之子也靜淵以有謀
疏通而知事養材以任地載時以象天依鬼神以制義
鬼之靈者曰神也鬼神謂山川之神也能興雲致
雨潤養萬物也故已依馮之剛義也剛古制字治氣

以教化絜誠以祭祀北至于幽陵

幽州也

南至于交趾

音趾

止交州也

西至于流沙

濟渡也括地志云居延海南甘肅張掖縣東北千六十四里是

東至

于蟠木動靜之物

動物謂鳥獸之類靜物謂草木之類

小大之神

大謂五嶽四瀆

小謂丘陵墳衍

日月所照莫不砥屬帝顓頊生子曰窮蟬

帝舜之高

祖也顓頊崩而玄囂之孫高辛立是為帝倍

帝倍高辛者

帝王紀云倍母無聞焉

黃帝之曾孫也高辛父曰蟠

極

蟠音居兆反本作橋音同又巨遙反帝堯之祖也

蟠極父曰玄囂玄囂父曰

黃帝自玄囂與蟠極皆不得在位至高辛即帝位高辛

於顓頊為族子高辛生而神靈自言其名

帝王紀云帝
嚳高辛姬姓

也其母生見其神異自言其名曰爰醵齒有德年
十五而佐顓頊三十登位都亳以人事紀官也

普施

利物不於其身聰以知遠明以察微順天之義知民之

急仁而威惠而信修身而天下服取地之財而節用之

撫教萬民而利誨之厯日月而迎送之

言作厯弦望晦
朔日月未至而

迎之過而送之上
迎日推策是也

明鬼神而敬事之

天神曰神人神曰
鬼又云聖人之精

氣謂之神賢人之精氣謂之
鬼言明識鬼神而敬事也

其色郁郁其德嶷嶷其動

也時其服也士帝嚳既執中而徧天下

嚳音既言帝嚳
治民若水之既

灌平等而執中正遍於天下也

日月所照風雨所至莫不從服

以上大戴文也

帝佖娶陳鋒氏女

鋒音峯又作豐帝王紀云帝佖有四妃十其子皆有天下元妃有台氏女

曰姜姬生后稷次妃有城氏女曰簡狄生高次妃陳豐氏女曰慶都生放勳次妃姬訾氏女曰常羲生帝摯也

生放勳

放音方往反勳亦作勳音許云反言堯能放上代之功故曰放勳諡堯姓伊祁氏帝紀云帝堯

陶唐氏祁姓也母慶都十四月生堯

娶姬訾氏女生摯

姬足須反訾紫移反

帝佖崩

而摯代立帝摯立不善崩

帝王紀云帝摯之母於四人中班最在下而摯於兄弟最

長得登帝位封異母弟放勳為唐侯摯在位九年政微弱而唐侯德盛諸侯歸之摯服其義乃率羣臣造唐而致禪唐侯自知有天命乃受帝禪乃封摯於高辛今定州唐縣也

而弟放勳立是為帝

堯

帝堯者

徐廣云號陶唐帝王紀云堯都平陽於詩為唐國徐才宗國都城記云唐國帝堯之裔子所封

其北帝夏禹都漢曰太原郡在古冀州太行恒山之西其南有晉水括地志云今晉州所理平陽故城是也平

陽河水一名晉水也

放勳其仁如天其知如神就之如日望之如

雲富而不驕貴而不舒黃收純衣彤車乘白馬能明馴

德以親九族九族既睦便章百姓百姓昭明合和萬國

乃命羲和

呂刑傳云重即羲黎即和雖別為氏族而出自重黎也按聖人不獨治必須賢輔乃命相

天地之官若周禮天官卿地官卿也

敬順昊天

敬猶恭勤也元氣昊然廣大故云昊天釋文云春為

蒼天夏為昊天秋為旻天冬為上天而獨為昊天者以堯能敬天大故以昊大言之數法日月星

辰

歷數之法曰之甲乙月之大小昏明逆中之星日月所會之辰定其天數以為一歲之歷敬授民

時

尚書考靈耀云主春者張昏中可以種稷主夏者火昏中可以種黍菽主秋者虛昏中可以種麥主冬者

昴昏中可以收斂也天子視四星之中知民緩急故云敬授民時也分命羲仲居郁夷曰

暘谷

郁音隅陽或作暘禹貢青州云隅夷既畧按隅夷青州也堯命羲仲理東方青州隅夷之地日所出

處名曰陽明之谷羲仲主敬道日出便程東作道音導東方之官若周禮春官

如字後同導訓也三春主東故言日出耕作在春故言東作命羲仲恭勤道訓萬民東作之事使有程期日

中星鳥以殷中春

下中音仲夏秋冬並同

其民析鳥獸字微申命

義叔居南交

義叔主南方官若周禮夏官卿也

便程南譌敬致

譌音于偽反命

義叔宜恭勤民事致其種殖使有程期也

日永星火以正中夏其民因鳥獸

希革申命和仲居西土曰昧谷

和仲主西方之官若周禮秋官職也

敬道

日入便程西成夜中星虛以正中秋其民夷易鳥獸毛

毳申命和叔居北方曰幽都

按北方幽州陰聚之地命和叔居理之北方之官若

周禮冬官卿

便在伏物日中星昴以正中冬其民燠鳥獸毼

毛歲三百六十六日以閏月正四時信飭百官衆功皆

興堯曰誰可順此事

言將登用之嗣位也

放齊曰嗣子丹朱開明

放音方往反鄭元云帝堯胤嗣之子名曰丹朱聞明也
按開解而達也帝王紀云堯娶散宜氏女曰女皇生丹
朱汲冢紀年云后稷放帝子丹朱范江荊州記云丹水
縣在丹州堯子朱之所封括地志云丹朱故城在鄧州
內鄉縣西南百三十里丹朱故為縣堯曰吁頑凶不用
則德義之經為頑凶訟也言丹朱
心既頑嚚又好爭訟不可用之堯又曰誰可者謹堯

曰共工旁聚布功可用

堯音井侯反

堯曰共工善言其用僻

似恭漫天不可

漫音莫干反共工善為言語用意邪僻也似於恭敬罪惡漫天不可用也

堯

又曰嗟四嶽

嗟嘆洪水問四嶽誰能理也孔安國云四嶽即上羲和四子也分掌四嶽之諸侯故

稱焉湯湯洪水滔天浩浩懷山襄陵

湯音商今讀如字蕩蕩廣平之貌言水奔

突有所滌除地上之物為水漂流蕩蕩然按懷藏包襄之義故懷為包釋言以襄為駕駕乘牛馬皆在上也言水襄上乘陵浩浩盛大勢若漫天下民其憂有能使治者皆曰鯀可堯

曰鯀負命毀族不可

負音佩依字通負違也族類也鯀性狠戾違負教命毀敗善類不可

用也詩云貪人敗類也

嶽曰异哉試不可用而已

异音異孔安國云异己已退也

言餘人盡已唯鯀可試無成乃退

堯於是聽嶽用鯀九歲功用不成

爾雅

釋天云載歲也夏曰祀周曰年唐虞曰載李巡云各自紀事不相襲也孫炎云歲取星行一次也祀取四時祭祀一訖也年取年穀一熟也載取萬物始更終也載者年之別名故以載為年也按功用不成水害不息故放退也至明年得舜乃殛也堯曰嗟四嶽朕在位七十載汝

能庸命踐朕位

孔安國云堯年十六以唐侯升為天子在位七十載時八十六老將求代也

嶽應曰鄙德忝帝位

四嶽皆云鄙俚無德若便行天子事是辱帝位言已等不堪也堯

曰悉舉貴戚及疏遠隱匿者衆皆於堯曰有矜在民間

曰虞舜

矜古頑反

堯曰然朕聞之其何如嶽曰盲者子父頑

母嚚弟傲能和以孝烝烝治不至姦

烝之升反進也言父頑母嚚弟傲舜

皆和以孝進之於善不至於姦惡也

堯曰吾其試哉

欲以二女試舜觀其理家之道也

於

是堯妻之二女

妻音七計反二女娥皇女英也娥皇無子女英生商均舜升天子娥皇為后女

英為妃

觀其德於二女

視其為德行於二女以理家而觀國也

舜飭下二女

於媯汭

飭音勅下音胡亞反汭音芮媯能整齊二女以義理下二女之心於媯汭使行婦道於虞氏也

括地志云媯源汭水出蒲州河東南山許慎云水涯曰汭

按地記云河東郡青山東山中有二泉下南流者媯水

北流者汭水二水異泉合流出谷西注河媯水北曰汭

也又云河東縣二里故蒲坂城舜所都也城中有舜廟

城外有舜宅及二妃壇

如婦禮堯善之乃使舜慎和五典五典能

從乃徧入百官百官時序賓於四門四門穆穆諸侯遠

方賓客皆敬堯使舜入山林川澤暴風雷雨舜行不迷

堯以為聖召舜曰女謀事至而言可績三年矣女登帝

位舜讓於德不懌正月上日

鄭元云帝王易代莫不改正建朔舜正建子此時未

改故依堯正
月上帝也

舜受終於文祖文祖者堯大祖也

舜受堯終帝之

事於文祖也尚書帝命驗云帝者承天立府以尊天重
象也五府者黃曰神斗注云唐虞謂之天府夏謂之正
室殷謂之重室周謂之明堂皆祀五帝之所也文祖者
赤帝燁怒之府名曰文祖火精光明文章之祖故謂之
文祖周曰明堂神斗者黃帝含樞紐之府名曰神斗斗
主也土精澄靜四行之主故謂之神斗周曰太室顯紀
者白帝招拒之府名顯紀紀法也金精斷割萬物故謂
之顯紀周曰總章玄矩者黑帝光紀之府名曰元矩矩
法也水精元昧能權輕重故謂之元矩周曰元堂
靈府者蒼帝靈威仰之府名曰靈府周曰青陽於是

帝堯老命舜攝行天子之政以觀天命舜乃在璿璣玉

衡以齊七政

說文云璿赤玉也按舜雖受堯命猶不自

安更以璿璣玉衡以正天文璣為運轉衡

為橫簫運璣使動於下以衡望之是王者正天文器也
觀其齊與不齊今七政齊則已受禪為是蔡邕云玉衡
長八尺孔徑一寸下端望之以視星宿並縣璣以象天
而以衡望之轉璣窺衡以知星宿璣徑八尺圓周二尺
五寸而強也鄭元云運轉者為璣持正者為衡尚書大
傳云政者齊中也謂春秋冬夏天文地理人道所以為
政也道正而萬事順遂類於上帝五經異義云非時祭
成故天道政之大也遂類於上帝天謂之類言以事類
告也時舜告攝非常祭也王制云天子將出類于
上帝鄭元云昊天上帝謂天皇帝北辰之星

六宗

周語云精意以享曰禋也孫炎云禋潔敬之祭也
按星五星緯也辰日月所會十二次也司中司命

文昌第五第四星也風師箕星也雨師畢星也孔安國
云四時寒暑也日月星也水旱也禮祭法云理少牢於
大昭祭時也禋祈於坎壇祭寒暑也王宮祭曰也夜明
祭月也幽縈祭星雩縈祭水旱也司馬彪續漢書云安

帝立六宗祀於洛陽城西北亥地禮北大社魏因之至
晉初荀顗言新祀以六宗之神諸家說不同乃廢之也

望于山川

望者遙望而祭山川也山川五嶽四瀆也爾雅云梁山晉望也辨於羣神辨音

遍謂祭羣神也

揖五瑞擇吉日見四嶽諸牧班瑞

揖音集周禮典瑞云

王執鎮圭尺二寸公執桓圭九寸侯執信圭七寸伯執

躬圭五寸子執穀璧男執蒲璧皆五寸言五瑞者王不

在中也孔文詳云宋末會稽修禹廟於廟庭山土中得

五等圭璧百餘枚形與周禮同皆短小此即禹會諸侯

於會稽執以禮山神而歲二月東巡狩至於岱宗柴按

理之其璧今猶有在也

班瑞羣后即東巡者守土之諸侯會岱宗之嶽焚柴告

至也王者巡狩以諸侯自專一國威福任已恐其擁遏

上命澤不下流故巡行問人疾苦也風俗通云太山之

尊者一曰岱宗始也長也萬物之始陰陽交代故為五

岳之長也按二月仲月望秩於山川乃以秩望祭東方也仲中也言得其中也諸侯境內之名山

大川也言秩者五岳遂見東方君長合時月正日既見視三公四瀆視諸侯

君長乃合同四時氣節月之大小日之甲乙使齊一也周禮太史掌正歲年以序事頒正朔於邦國則節氣晦

朔皆天子頒之猶恐諸侯國同律度量衡律之十二律異或不齊同因巡狩合正之同律度量衡度之丈尺量

之斗斛衡之斤兩皆使天下相同無制度長短輕重異也漢律志云虞書云同律度量衡所以齊遠近立民信

也律有十二陽六為律陰六為呂律以統氣類物一曰黃鍾二曰太簇三曰姑洗四曰蕤賓五曰夷則六曰無

射呂以旅陽宣氣一曰林鍾二曰南呂三曰應鍾四曰大呂五曰夾鍾六曰中呂度者分寸尺丈引也所以度

長短也本起黃鍾之管長以子穀秬黍中者一黍為一分十分為一寸十寸為尺十尺為丈十丈為引而五度

審矣量者侖合升斗斛也所以量多少也本起黃鐘之
侖以子穀秬黍中者千有二百實為一侖十侖為合十
合為升十升為斗十斗為斛而五量嘉矣衡權者銖兩
斤鈞石也所以秤物輕重也本起於黃鐘之一侖容千
二百黍重十二銖二十四銖為兩十六兩為斤三
十斤為鈞四鈞為石而五權謹矣衡平也權重也
修五
禮周禮以吉禮事邦國之鬼神祇以凶禮哀邦國之憂
以賓禮親邦國以軍禮同邦國以嘉禮親萬民也尚
書堯典云類于上帝吉禮也如喪考妣凶禮也羣后四
朝賓禮也大禹謨云汝徂征軍禮也堯典云女子時嘉
禮也女音
五玉三帛孔安國云諸侯世子執鯁公之孤
女慮反執玄附庸之君執黃也按三統紀
推伏羲為天統色尚赤神農為地統色尚黑黃帝為人
統色尚白少昊黃帝子亦尚白故高陽氏又天統亦尚
赤堯為人
二生羔鴈也鄭元注周禮大宗伯云羔小羔
統故用白也取其羣不失其類也鴈取其候時而

行也卿執羔大夫執鴈一死雉也馬融云一死雉士所

按羔鴈性馴可生為贊一死執也按不可生為贊故死

雉取其守介為摯贊音至贊執也鄭元云贊之言至所

死不失節也為摯以自致也韋昭云贊六贊皮帛卿執

羔大夫執鴈士執雉庶如五器卒乃復卒音子律

人執鹿工商執雞也如五器卒乃復反復音伏五月

南巡狩八月西巡狩十一月北巡狩皆如初歸至于祖

禰廟禰音乃禮反何休云生用特牛禮五歲一巡狩羣

后四朝徧告以言徧音遍言遍告天明試以功車服以

庸孔安國云功成則錫車肇十有二州決川象以典刑

孔安國云象法也法流宥五刑孔安國云以流放之法

用常刑用不越法也流宥五刑寬五刑也鄭元云三宥

一曰弗識二曰過失三曰遺忘也

鞭作官刑扑作教刑金作贖刑眚裁

過赦怙終賊刑欽哉欽哉惟刑之靜哉謹堯進言共工

謹堯渾沌也共工窮奇也鯀檮杌也三苗饕餮也左傳云舜臣堯流四凶投諸四裔以禦魑魅也

堯曰

不可而試之工師

工師若今大匠卿也

共工果淫辟

辟亦反

四嶽舉

鯀治鴻水堯以為不可嶽彊請試之試之而無功故百

姓不便三苗

左傳云自古諸侯不用王命虞有三苗夏有觀扈孔安國云縉雲氏之後為諸侯號

饕餮也

吳起云三苗之國左洞庭而右彭蠡按洞庭湖名在

名在岳州巴陵西南一里南與青草湖連彭蠡湖名在

江州潯陽縣東南五十二里以天子在北故洞庭在西為左彭蠡在東為右今江州鄂州岳州三苗之地也

在江淮荊州

淮讀曰滙音胡罪反今彭蠡湖也本屬荊州尚書云南入于江東滙澤為彭蠡是也

數為亂於是舜歸而言於帝請流共工于幽陵

尚書及大戴禮

皆作幽州括地志云故龔城在檀州燕樂縣界故老傳

云舜流共工幽州居此城神異經云西北荒有人焉人

面朱髯蛇身人手足而食以變北狄言四凶流四裔各

五穀禽獸頑愚名曰共工

為中國之放驩兜於崇山

神異經云南方荒中有人焉人而鳥喙而有翼而手足扶

風俗也

翼而行食海中魚為人很惡不畏風雨獸犯死乃休名曰謹兜也

以變南蠻遷三苗於

三危

括地志云三危山有峯故曰三危俗亦名卑羽山在沙州敦煌縣東南三十里神異經云西荒中有

人焉面目手足皆人形而胫下有翼不能飛為人饕餮淫逸無理名曰苗民又山海經云大荒北經黑水之北

有人有翼名曰苗民也

以變西戎殛鯀於羽山

殛音紀力反孔安國云殛竈放流皆

誅也括地志云羽山在沂州臨沂縣界神異經云東方有人焉人形而身多毛自解水土知通塞為人自用欲為欲息皆曰云是鯀也以變東夷四皐而天下咸服堯立七十年

得舜二十年而老令舜攝行天子之政薦之於天堯辟

位凡二十八年而崩

皇甫謐云堯即位九十八年通舜攝二十八年也凡年百一十七歲

孔安國云堯壽百一十六歲括地志云堯陵在濮州雷澤縣西三里郭生述征記云城陽縣東有堯冢亦曰堯

陵有碑是也括地志云雷澤縣本漢鄆陽縣也

百姓悲哀如喪父母三年四方

莫舉樂

尚書三載四海過審八音是也

以思堯堯知子丹朱之不肖不

足授天下於是乃權授舜

五帝官天下老則禪賢故權試舜也

授舜則天

下得其利而丹朱病授丹朱則天下病而丹朱得其利

堯曰終不以天下之病而利一人而卒授舜以天下堯

崩三年之喪畢舜讓辟丹朱於南河之南

括地志云故堯城在濮州

鄆城縣東北十五里竹書云昔堯德衰為舜所囚也又有偃朱故城在縣西北十五里竹書云舜囚堯復偃塞

丹朱使不與父相見也按濮州北臨濮大川也河在堯都之南故曰南河禹貢至于南河是也其偃朱城所居

即舜讓避丹朱於河南之南處也

諸侯朝覲者不之丹朱而之舜獄訟

者不之丹朱而之舜謳歌者不謳歌丹朱而謳歌舜舜

曰天也夫而後之中國踐天子位焉是為帝舜

虞舜者

括地志云故虞城在陝州河北縣東北五十里虞山之上鄠元注水經云幹橋東北有虞城堯

以女嬪于虞之地也又宋州虞城大襄國所封之邑杜預云舜後諸侯也又越州餘姚縣顧野王云舜後支庶所封之地舜姚姓故云餘姚縣西七十里有漢上虞故縣會稽舊記云舜上虞人去虞三十里有姚丘即舜所生也周處風土記云舜東夷之人生姚丘括地志又云姚墟在濮州雷澤縣東十三里孝經援神契云舜生於姚墟按二名曰重華尚書云重華協於帝孔安國云華所未詳也謂文德也言其光又重合於堯瞽瞍姓媯妻曰握登見大虹意感而生舜於姚墟故姓姚目重童子故曰重華字都君龍顏大口黑色身長六尺

一重華父曰瞽叟

先后反孔安國云無目曰瞽舜父有目不能分別好惡故時人謂之瞽配

字曰叟叟無目之稱也

瞽叟父曰橋牛

橋又音矯

橋牛父曰句望

句古侯反

望音亡

句望父曰敬康敬康父曰窮蟬窮蟬父曰帝顓頊

顓頊父曰昌意以至舜七世矣自從窮蟬以至帝舜皆

微為庶人舜父瞽叟盲而舜母死瞽叟更娶妻而生象

象傲瞽叟愛後妻子常欲殺舜舜避逃及有小過則受

罪順事父及後母與弟日以篤謹匪有懈舜冀州之人

也

蒲州河東縣本屬冀州宋永初山川記云蒲坂城中

有舜廟城外有舜宅及二妃壇括地志云媯州有媯水源出城中耆舊傳云即舜釐降二女於媯汭之兩外城中有舜井城城北有歷山山上有舜廟未詳按媯州

亦冀州城是也

舜耕厯山

括地志云蒲州河東縣雷首山一名中條山亦名厯山亦名首陽山亦名

蒲山亦名襄山亦名甘棗山亦名猪山亦名狗頭山亦名薄山亦名吳山此山西起雷首山東至吳坂凡十二

名隨州縣分之厯山南有舜井又云越州餘姚縣有厯山舜井濮州雷澤縣有厯山舜井二所又有姚墟云生

舜處也及媯州厯山舜井皆云舜所耕處未詳也

漁雷澤

括地志云雷夏澤在濮州雷澤縣郭外西

北山海經云雷澤有雷神龍首人類鼓其腹則雷也

陶河濱

接於曹州濱河作瓦也括地志云陶城

在蒲州河東縣北三十里即舜所都也南去厯山不遠或陶所在則可何必定陶方得為舜陶之陶也斯或一

馬作什器於壽丘

壽音受顏師古云軍法伍人為伍二伍為什則共器物故為生生之具為

什器亦猶從軍及作役者十八為火共畜調度也

就時於負夏舜父瞽叟頑母

嚚弟象傲皆欲殺舜舜順適不失子道兄弟孝慈欲殺

不可得即求嘗在側舜年二十以孝聞三十而帝堯問

可用者

可用謂可為天子也

四嶽咸薦虞舜曰可於是堯乃以二

女妻舜以觀其內使九男與處以觀其外舜居媯汭內

行彌謹堯二女不敢以貴驕事舜親戚

二女不敢以帝女驕慢舜之親

戚親戚謂父瞽叟後母弟象妹穎手等也穎音古果反

甚有婦道堯九男皆益篤

篤篤也非唯二女恭勤婦道九男事舜皆益篤厚謹敬也

舜耕歷山歷山之人皆讓

畔韓子歷云農相侵略舜往耕耨年耕者讓畔也

漁雷澤雷澤上人皆讓居陶

河濱河濱器皆不苦窳

苦讀如鹽音古
鹽麤也窳音度

一年而所居成聚

聚在喻反聚
謂村落也

二年成邑三年成都

周禮郊野法云九夫
為井四井為邑四邑

為丘四丘為甸四甸
為縣四縣為都也

堯乃賜舜絺衣

絺勑遲反細葛布
衣也鄭氏音竹几

反與琴為築倉廩予牛羊瞽叟尚復欲殺之使舜上塗

廩瞽叟從下縱火焚廩舜乃以兩笠自扞而下去得不

死

通史云瞽叟使舜滌廩舜告堯二女女曰時其
焚汝鵲汝衣裳鳥工往舜既登廩得免去也

後瞽

叟又使舜穿井舜穿井為匿空旁出

言舜潛匿穿孔旁
從他井而出也通

史云舜穿井又告二女二女曰去汝裳衣龍工往入井
瞽叟與象下土實井舜從他井出去也括地志云舜井

在瀋州懷戎縣西外城中其西又有一井舊傳云舜並舜井也舜自中出帝王紀云河東有舜井未詳也舜

既入深瞽叟與象共下土實井舜從匿空出去瞽叟象

喜以舜為已死象曰本謀者象象與其父母分

扶問反

於

是曰舜妻堯二女與琴象取之牛羊倉廩予父母象乃

止舜宮居

宮即室也爾雅云室謂之宮禮云命士已上父子異宮也

鼓其琴舜往見

之象鄂不懌曰我思舜正鬱陶舜曰然爾其庶矣舜復事瞽叟愛弟彌謹於是堯乃試舜五典百官皆治昔高陽氏有才子八人世得其利謂之八愷高辛氏有才子

八人世謂之八元此十六族者世濟其美不隕其名至

於堯堯未能舉舜舉八愷使主后土

春秋正義云后君也天曰皇天地曰

后以揆百事莫不時序

言禹度九土之宜無不以時得其次序也

舉八元使

布五教于四方父義母慈兄友弟恭子孝內平外成

杜預

云內諸夏外夷狄也按契作五常之教諸夏太平夷狄向化也

昔帝鴻氏有不才子掩

義隱賊好行凶慝天下謂之渾沌

慝惡也一本云天下之民謂之渾沌渾沌

即讎兜也言掩義事陰為賊害而好凶惡故謂之渾沌也杜預云渾沌不開通之兒神異經云崑崙西有獸焉

其狀如犬長毛四足似羆而無爪有目而不見行不開有兩耳而不聞有人知往有腹無五藏有腹直短食徑

過人有德行而往抵角有凶惡而行依憑之名渾沌又
莊子云南海之帝為儻忽中央之帝為渾沌儻忽時相
遇於渾沌之地渾沌待之甚善儻忽謀欲報渾沌之
德曰人皆有七竅以視聽食息此獨無有嘗試鑿之曰
鑿一竅七日而渾沌死按言謹兇性似故號之也少皞氏有不才子毀信惡忠

崇飾惡言天下謂之窮奇

謂共工言毀敗信行惡其忠直有惡言語高粉飾之故謂

之窮奇按常行終必窮極好諂諛奇異於人也神異經云西北有獸其狀似虎有翼能飛便羈食人知人言語聞人闢輒食直者聞人忠信輒食其鼻聞人惡逆不善輒殺獸徃饋之名曰窮奇按言共工性似故號之也

顓頊氏有不才子不可教訓不知話言天下謂之檮杌

檮音道刀反杌音五骨反謂鯀也凶頑不可教訓不從詔令故謂之檮杌按言無疇疇言自縱恣也神異經云

西方荒中有獸焉其狀如虎而大毛長二尺人面虎足
猪口牙尾長一丈八尺攪亂荒中名禱机一名傲很一
名難訓按言繇此三族世憂之至于堯堯未能去繇雲
性似故號之也

氏

今括州縉雲縣蓋其所封也書云縉赤繇也

有不才子

此以上四處皆左傳文或本有並文

次相類四凶故書之恐本錯脫耳謂三苗也言貪飲食
冒貨賄故謂之饕餮神異經云西南有人焉身多毛上
頭戴豕性很惡好息積財而不用善奪人穀物
強者畏羣而單名饕餮言三苗性似故號之貪於飲

食冒于貨賄天下謂之饕餮天下惡之比之三凶舜賓

於四門

杜預云闢四門達四聰以賓衆賢之也

乃流四凶族遷于四裔以

御魑魅

御音魚呂反魑音丑知反魅音媚按御魑魅恐更有邪詔之人故流放四凶以御之也故下云

無凶人也於是四門辟言毋凶人也舜入于大麓烈風雷雨

不迷堯乃知舜之足授天下堯老使舜攝行天子政巡

狩舜得舉用事二十年而堯使攝政攝政八年而堯崩

三年喪畢讓丹朱天下歸舜而禹臯陶契后稷伯夷夔

龍垂益彭祖

高姚二音臯陶字庭堅英六二國是其後也契音薛殷之祖也伯夷齊太公之祖也

夔巨龜反樂官也倭音垂亦作垂內言之官也益伯翳也即秦趙之祖彭祖自堯時舉用歷夏殷封於大彭

自堯時而皆舉用未有分職

分音符問反如字分爲封疆爵土也

於是舜

乃至於文祖謀于四嶽辟四門明通四方耳目命十二

牧論帝德行厚德遠佞人

舜命十二牧論帝堯之德又敦之於民遠離邪佞之人言

能如此則夷狄亦服從也

則蠻夷率服舜謂四嶽曰有能奮庸美堯

之事者使居官相事皆曰伯禹為司空可美帝功舜曰

嗟然禹汝平水土維是勉哉禹拜稽首讓於稷契與皋

陶舜然往矣舜曰棄黎民始飢汝后稷播時百穀

稷農官也

播時謂順四時而種百穀

舜曰契百姓不親五品不馴

馴音訓

汝為司

徒而敬敷五教在寬舜曰皋陶蠻夷猾夏寇賊姦軌

亦軌

作汝作士

按言大理卿也

五刑有服

孔安國云服從也言輕重之中正也按墨點鑿其額

淫以墨劓截鼻也剕刑足也宮淫刑也
男子調勢婦人幽閉也大辟死刑也
五服三就五流

有度度音徒洛反尚書作宅孔安國云五刑之流各有所居也
五成三居按謂度其遠近為三

等之
居也
維明能信舜曰誰能馴予工皆曰垂可於是以垂

為共工舜曰誰能馴予上下草木鳥獸皆曰益可於是

以益為朕虞益拜稽首讓于諸臣朱虎熊羆孔安國云朱虎熊羆

云臣也垂益所讓四人皆在元凱之中也
舜曰往矣汝諧遂以朱虎熊羆為

佐為益之佐也
舜曰嗟四嶽有能興朕三禮皆曰伯夷可舜

曰嗟伯夷以汝為秩宗若太常也漢書百官表云王莽太常曰秩宗依古也孔安國云

秩序宗尊也主

夙夜維敬直哉維靜潔

靜清也潔明也孔安國云職典

郊廟之官也

禮施政教使伯夷讓夔龍舜曰然

孔安國云然其推賢不許其讓也

以

夔為典樂教釋子

釋胄雉反孔安國云胄長子謂元子以下至卿大夫子弟也歌詩蹈之舞

之教長國子中和祇庸孝友

直而溫寬而栗剛而無虐簡而無傲

孔安

國云剛失之虐簡失之傲教之以防其失也

詩言意歌長言

孔安國云詩言志以蹈其心歌

詠其義以長其言也

聲依永律和聲

孔安國云聲五聲宮商角徵羽也律謂六律六呂十二月

之音氣也當依聲律和樂也

八音能諧毋相奪倫神人以和

八音金石絲竹

匏土革木也孔安國云倫理也八音能諧理不錯奪則神人咸和命夔使勉也

夔曰於予擊石

拊石百獸率舞

於音鳥北安國云石磬音之清者拊亦擊也舉清者和則其餘皆從矣樂感百

獸使相率而舞則神人和可知也按磬一片黑石也下音福尤反周禮云夏官有服不氏掌服猛獸下士一人

徒四人鄭注云舜曰龍朕畏忌讒說殄偽振驚朕眾音

危腫反言畏惡利口讒說之人兼殄絕姦為人黨恐其驚動我眾使龍遏絕之出入其命惟信實也此偽字太

史公變尚書文也尚書偽字作行音下孟反言朕畏忌有利口讒說之人殄絕無德行之官也命汝為

納言夙夜出入朕命惟信

孔安國云納言喉舌之官也聽下言納於上受上言宣於

下必舜曰嗟女二十有二人敬哉惟時相天事

相視也舜命二

十二人各敬行其職惟在三歲一考功三考絀陟遠近順時視天所宜而行事也

衆功咸興分北三苗此二十二人咸成厥功臯陶為大

理平

臯陶作士正平天下罪惡也

民各伏得其實伯夷主禮上下咸

讓垂主工師

工匠若今大匠卿也

百工致功益主虞山澤辟

亦婢

反開也

棄主稷百穀時茂契主司徒百姓親和龍主賓客

遠人至十二牧行而九州莫敢辟違

禹九州之民無敢辟違舜十二牧也

唯禹之功為大披九山

披音皮義反謂傍其山邊以通

通九澤決九河

定九州各以其職來貢不失厥宜方五千里至于荒服

南撫交趾北發西戎析枝渠廋氏羌北戎發息慎東長

鳥夷

鳥或作鳥括地志云百濟國西南海中有大島十五所皆置邑有人居屬百濟又倭國西南大海中

島居凡百餘小國在京南萬三千五百里按武后改倭國為日本國四海之內爾雅云九夷八狄七

戎六蠻謂之四海

咸戴帝舜之功於是禹乃興九招之樂致異

物鳳皇來翔天下明德皆自虞帝始舜年二十以孝聞

年三十堯舉之年五十攝行天子事年五十八堯崩年

六十一代堯踐帝位

括地志云平陽今晉州城是也蒲今蒲州南二

里河東縣界蒲坂故城是也

踐帝位三十九年南巡狩崩於蒼梧之

野葬於江南九疑是為零陵舜之踐帝位載天子旗往

朝父瞽叟夔夔唯謹如子道封弟象為諸侯

帝王紀云
舜弟象封

於有鼻括地志云鼻亭神在道縣北六十里故老傳云
舜葬九疑象來至此後人立祠名為鼻亭神輿地志云
零陵郡應陽縣東有山山有象廟王隱晉書云
此大泉陵縣北部東五里有鼻壠象所封也

舜子商

均亦不肖

譙周云以虞封舜子今宋州虞城縣括地志
云虞國舜後所封邑也或云封舜子均於商

故號商
均也

舜乃豫薦禹於天十七年而崩三年喪畢禹亦

乃讓舜子

括地志云禹居洛州陽城
者避商均非時久居也

如舜讓堯子諸侯

歸之然後禹踐天子位堯子丹朱舜子商均皆有疆土

括地志云定州唐縣堯後所以奉先祀服其服禮樂如
封宋州虞城縣舜後所封也

之以客見天子

為天子之賓客也

天子弗臣示不敢專也自黃帝

至舜禹皆同姓而異其國號以章明德故黃帝為有熊

帝顓頊為高陽帝嚳為高辛帝堯為陶唐帝舜為有

虞帝禹為夏后而別氏姓姁氏契為商姓子氏棄為周

姓姬氏太史公曰

太史公曰先人馬遷自謂也自叙傳云太史公曰先人有言又云太史公曰余

聞之董生又云太史公遭李陵之禍明太史公曰余自號也遷為太史公官題贊首也虞惠云古者主天官

者皆上公非獨遷

學者多稱五帝尚矣然尚書獨載堯以來而

百家言黃帝其文不雅馴

馴訓也謂百家之言皆非典雅之訓

薦紳先生

難言之孔子所傳宰予問五帝德及帝繫姓

繫音奚計反五帝德

及帝繫姓皆大戴禮文及孔子家語篇名漢儒者以二書非經恐不是聖人之言故或不傳學也

儒者

或不傳余嘗西至空峒

余太史公自稱也嘗曾也空峒山在廣州平高縣西百里黃帝

問道於廣成子處

北過涿鹿

涿鹿山在端州東南五十里山側有涿鹿城即黃帝堯舜之都也

東漸於海南浮江淮矣至長老皆各往往稱黃帝堯舜

之處風教固殊焉總之不離古文者近是予觀春秋國

語其發明五帝德帝繫姓章矣顧第弗深考

顧念也第但也太史

公言博考古文擇其言表見之不虚甚章著矣思念亦且不須更深考論

其所表見皆不虚

書缺有間矣

言古文尚書缺失其間多矣而無說黃帝之語

其軼乃時時見於

他說非好學深思心知其意固難為淺見寡聞道也余

并論次擇其言尤雅者故著為本紀書首

太史公據古文并諸子百

家論次擇其言語典雅者故著為五帝本紀在史記百三十篇書之首



史記正義卷一